

Data:

Lanaren ondorioz osasunari sortutako kalteak

Hainbat arrazoi direla medio, batez ere aldaketa sozialak eta aurrerapen teknologikoak, lan munduak izugarrizko aldaketak izan ditu bere alderdi guztietan: lana egiteko moduan, langileen eta enpresaren arteko harremanetan, zereginen espezializazioan, etab. Aldaketa horiek, batzuetan langileen baldintza orokorrak hobetu badituzte ere, beste batzuetan osasunarekin lotutako arazo eta erronka berriak sortu dituzte.

Gure lanaren zeregin eta jarduera ezberdinetan osasunean kalteak eragin ditzaketen arriskuak daude. Guretzat zorionez, lan-arriskuak ez dira beti gauzatzen. Luminaria batek lurreko konexiorik ez izateak ez du esan nahi kalanbrea emango digunik lanpara aldatzen ari garenean, baina arriskua hor dago.

Kalteak hiru motatakoak izan daitezke: lan-istripuak, gaixotasun profesionalak eta lanetik eratorritako beste patologia batzuk.

Lan-istripuak

Lan-istripu bat gorputzeko lesioak eragiten dituen ezusteko gertakari bat da. Adibidez, altuera batetik erortzen bagara eta klabikula apurtzen badugu, lan-istripu bat izan dugu.

Gaixotasun profesionalak

Gaixotasun profesional bat Administrazioak Errege Dekretu baten bidez zehaztutako zerrenda bateko agente batek eragindako gaixotasun bat da. Adibidez, galdaragintzan diharduen lantegi baten mantentze-lanetako teknikari gisa lan egiten badugu, baliteke, entzumen-babesak erabili arren, urte asko igaro ondoren zaratak eragindako entzumen-galera edo gortasuna izatea.

Lanetik eratorritako beste patologia batzuk

Lanetik eratorritako patologia bat gaixotasun profesional bat bezala kontutan hartzen ez den gaixotasun bat da. Adibidez, gure lantegiko nagusiak lan-txandak etengabe aldatzen badizkigu ziur aski estresa edo loezina jasango dugu.

Zereginak

- Moodle-etik hurrengo dokumentuak deskargatu:
 - Lan-arriskuen prebentzioari buruzko legearen dokumentua.
 - 1. galdetegiaren dokumentua.
- Internetetik Osalaneko hurrengo estatistiken XLS fitxategiak deskargatu:
 - Bajadun lan istripu berriak denboraldian, traumatikoak eta ez traumatikoak, sexuaren eta sektorearen arabera 2022. urtean.
 - Bajadun lan istripu berriak hilabeteen eta denboraldian, larritasunaren, lurraldearen, sektorearen eta sexuaren arabera 2022. urtean.
- Galdetegia bete eta Moodle-era igo.